

1 DRAGANSIOLO 1

NOVEMBRE DEL MISTERO

Nel mese di novembre il nostro Vate Adino Libralato, in 4 momenti ci introdurrà alla scoperta della “fola” del Dragansio. In questo Gineta scompare nella fossa del mulino

Oncora desso, passà pì de 100 ani dal fato, me faria 'na çerta impresion traversar 'l piagno de l'Anguana e rivar al mulin de la Lea Munara. Tuti conosse, anca se i dise de no credarghe, la fola che ogni ano vien tirà fora so qualche filò. Insandro Malta, 'l pì vecio del colmelo, prima de contarla, se segnava tre olte, dopo verse sugà i oci co 'l so tabacon rosso e ver tirà su 'na presa de macuba. "Alora ve la conto precisa precisa come me la gà dita çento olte me amia Piasentina. Sejèra so i primi dì de la quarantia de San Gregorio, jornada bela e lanpra. La Gineta, 'na putela bela come 'l sole, caveji biondi fa l'oro, se gavea messa a fare versi co on gatelo tuto nero, co do oci zali co fa do limoni. La Lea Munara, sentada come al solito so la so bancheta posada al porton del mulin, scapinava on par de calze cantando: 'na farfala zala liziera svolava in çerca de on fiore del l'ultimo calore. 'n'antra de celeste, se moveva da sola so le creste de l'ultima tola de la roda de aqua zà voda"... Intanto la Gineta, co vestito zalo e fioco celeste, inseguia 'l gato che saltava co fa on mato drio 'l piagno e lo gavea brincà par la coa, co l'aqua xè rivà inprovisa so la roda dandoghe on sgorlon tremendo...

09 ottobre 2022 Adino Libralato

2 DRAGANSIOLO 2

NOVEMBRE DEL MISTERO

Nel mese di novembre il nostro Vate Adino Libralato, continuerà a ricordarci la “fola” del Dragansio. Dove una grave disgrazia muove la solidarietà gratuita di tutto il colmello.

Nissungà mai savuo se 'l livelo a monte del mulin fuses saltà da solo o se qualchedun, chi o parchè lo gavesse verto. Chidise che sipia sta le Anguane, invidiose del nastro de la putela, fato sta che labrentanaxè finia so la roda, del mulin dandoghe on forte sgorlon, tanto che la Gineta xè cadista, ranpegandose co le onge, fin che la gapodesto, so 'na tolalipega del piagno... ma dopo on urlo tremendo la se gàlassà 'ndare cadindone la fossa de la roda... Co tre salti e on sigo disumano 'l gato xè finione la traversa de la Lea che molando par tera feri e calze là ciamava ajuto e ghe gà parso de vedar 'na farfala celeste e zala svolgere so le

ale del mulin. E xè tornà inverno, nissunpì cantava, farfale no svolava, solo la roda, pianzendo, girava, girava...Xè corsi tuti co rosteli, zapenegorse. Da la mureta 'l Toto, co on scaurio, rivava fin soto la roda, ma gnente da fare. Anca Bruno, co la so barca sora al mulin e Spino de soto, tuti çercava sta putela. A note scura, lasandoinpissà tre canfini a carburo, parte par parte de lerive, tuti xè 'ndà casa, fora che Bruno che no 'l gavea casa e dormia in barca.

12 ottobre 2022 Adino Libralato

3 DRAGANSIOLO 3

NOVEMBRE DEL MISTERO

Nel mese di novembre, al terzo appuntamento il nostro Vate Adino Libralato, entra nel vivo alla scoperta della “folà” del Dragansio.

Co 'l scuro tuti xè 'ndai a casa, dopo de aver lassà tre canfini par riva. A sole leva, Bruno co la so barca, jèra sparìo. “Sto mato sarà 'ndà a tirar su le trisiole”, dise Spino. Intanto se fa su zente senpre in çerca de 'sta putela. Ma gnente da fare gnanca so i tramaji destirai fin al spinaro de 'l Caija. La roda intanto stava ferma. Co 'l gato in brasso, la Lea cantava fin che de novo rivava scuro. E pi no la scapinava. La cantava de 'na farfala zala liziera che 'na olta svolava in çerca de on fiore, e drio 'n'antra de celeste che desso girava torno come imatonia. Questa, sfinìa, se moveva da sola *“inbrassando l'ultima tola de la roda de aqua suta. Bela cofa 'l sole moja, suta, ghe jèra 'na puta”*...e 'l tempo pasava.

A la vesilia de San Marco, on gran scanpanare porta mezo paese davanti la cesa: tuti se speta on gran sposalizio. A on boto riva 'na procession de carosse blù, tirae da quadrilie de cavali bianchi e neri co 'l penacio zalo, che sparisse so on lanpo e da l'ultima qualcun dise: “a mesa note, a meza note!...”

Al dì de San Marco, on gran scanpanare soto mesodì. Davanti la cesa on mucio de foresti e de curiosi, sentia rivar carosse al troto de cavali...

14 ottobre 2022 Adino Libralato

4 DRAGANSIOLO 4

NOVEMBRE DEL MISTERO

Nel mese di novembre, al quarto appuntamento, il nostro Vate Adino Libralato, ci fornirà un finale a sorpresa della “folia” del Dragansuolo.

Meza note, ‘l paese xè pien, par ‘na matina de marcà. Nel completo silenzio eco on rumor de cavali e carosse che se avisina. Posà al porton de la cesa, qualcun tol su i versi de la Lea Munara. Riva cinque carosse tirà da quadrilie de cavali neri e penacio zalo. Ghe desmonta on zovinato elegante, vestio in zalo co frac blu, che tien al brasso ‘na signora in blu e mantela zala. Riva n’antro tiro de cinque carosse a quatro cavali bianchi e penacio blu. La piassa risplende co vien zò on sior in blu co frac zalo che tien al brasso ‘na tosa in zalo e blu, co tanto de veleta. Nissun li conosse. Intanto i se introza in cesa, e l’organo vibra al massimo. Dal porton de la cesa qualcun canta “va Gineta lassa Spino! Ghe xè Bruno e anca la Lea. Lassa ‘ndar la tola! Liziera svola. Te sì ‘na farfala on fià celeste e on fià zala! Vero! Vero! celeste e zala cofa i oci del gato nero!

Mi ve lo gò dito tuto par intiero, chissà se proprio tuto ‘l sarà vero!

20 ottobre 2022 Adino Libralato